



NUNALINGNI KAVAMATKUNNILU PIVIKHAQAUTIKKUT NUNALAANI AKHUURUTIKHARNIK TUKHIDJUTIKHANGIT MALIGAKHAQ

HIVUATIGUN NAUNAIRUTIKHAQ

Nunavut Kavaman, talvuuna akhuurutitigun Maniliqinikkut Titiiqidjutiliqinikkut Maligarni (atuqtauyukharni 801), pigiaqtitigiaqaqtun nunalaani kuapulasingit munagidjutikharnik tapkuninga titiiqidjutikharnun auladjutikharniklu Nunavut Kavamangit ikayuutikhangit havaaqhangitluuniit.

I HUMAGIYAULUAGIYAINGIT

Una maligakhaq aulahimayut talvuuna ihumagiyauluagiyaingit:

- Nunavut Kavaman ilitagiyukhat ilitugipkaiyukhangitlu nunalaangit piumayaingit taima anginirmi maligakharnik, nanminiitikharni, nunalaani ilauyukharniklu.
- Tamna anginiq nunalaani anginiqaqtuq aulaniaqtuq maligakharnik nunalaani pigiaqaqtunik.
- Nunavut Kavaman havakhimaaqniaqtun tuniyaangat ihuaqtunik ikayuutikharnik qaritauyaliqidjutikharnik nunalaanun, taima atuqyayuyut titiiqidjutikhangit auladjutikhangitlu havaaqhangit ikayuutikhangitlu.
- Nunalaani ikayuutikharnik aulatitinikkut Nunavut Kavamangit havaaqhangit ikayuutikhangit tautuktitiyukhangit.
- Nunalingni Kavamatkunnilu Pivikhaqautikkut aulayukhat atahiiinauyut maniktaqviliqidjutikharnik havagviingit uvaniituni maligakharni.

I HUMAGILUAGIYAIT

Una atugakhaq aulayukhaq tamainun nunalaani kuapulaisinun.

NAUNAIRUTIKHAT

Nunalaani Akhuqhairutikharnik Tukhidjutikhaq

Tukhidjutikhaq nunalaani kuapulaisingit malikhautingniitu Nunalaani Akhuqhailiqiyunik Angurutmiituni (CEMOU) uvaniluuniit Nunalaani Ihuaqhailiqinikkut Angirutmiitini (CMA).

Nunalaani Akhuqhailiqiyunik Angurutmiituni (CEMOU)

Angirutikhaq tunihimayuq ilauyukharnik titiqiqidjutiliqinikkut auladjutikharnik Nunavut Kavamangit havaaqhangit ikayuutikhangitlu nunalaanun kuapulaisinun

Nunalaani Ihuaqhailiqinikkut Angirutmiitini (CMA)

Angirutikhaq tuniyaangat nuutiqtirutikharnik Nunavut Kavamangit piutigiyangit ihuaqhaidjutikhangitlu havaaqhangit

Tukhidjutikhat

Naunaiyagiikhimayuq nuutiqtirutikharnun akiliktuiyaangat nunalaani kuapulaisinun taima kitkuuyut Nunavut Kavamangit pilimaitun kituliqaak pivikhaqautingnik. Tukhidjutikhaq akiliktuirutikhangit aulaniaqtun talvuuna havaktangit iniqtiqhimayaingitluuniit aulagiqaqniaqtunlu maniliqidjutiit ihivriuqtauniaqtun ilituqhaidjutikhangitlu.

Tugliuyut Havaktiit

Tugliuyuq Minista allanik havagviinun inungnunliqaaq kitkuni havagvingni tikuaktaugiaqaqtun Tugliamin Ministamin (havaktiuyukharmun).

Ilauyut Havagviit (ngit)

Havagviuyuq nuutiqhimayuq nuutiqniaqhimayuqluuniit nunalaanun kuapulaisimun akhuurutiaqaqtun titiqiqidjutiliqiyukhat aulatitiyukhatlu havaaqhangit ikayuutikhangitluuniit.

Nunalaani Kuapulaisingit

Nunalaani kavamaliqiyut timiuyut aulatitihimayut talvuuna *Nunalipauyat*, *Nunalaangit Maligarni*, uvaniluuniit *Hamilatkut Maligarni*.

Havaaqhangit Ikayuutikhangitlu

Kituliqaak Nunavut Kavamangit havaaqhangit ikayuutikhangitluuniit, ilauyut ihuaqhailiqiyunik havaaqhangit Nunavut Kavamanmi piutigiyangit akiliktuihimaqtangitlu igluqpautigiyangit, havagviit, akhaluutingitlu hanalrutigiyangitlu, pidjutigiyangitlu hunavaluit aulahimayut talvani ihuaqhaidjutikhangit havaaqharni.

HAVAKTAKHANGIT MUNAGIYAKHANGITLU

1. Maniliqiyunik Munaqtiuyut Katimayiit (FMB)

Tamna FMB-kut angirutikhauyut havagviingit iluani maniit atuqtauyukhat nuutiqtiglugit ikayuutikharnik angirutmiituq talvaniituni maligakharni.

2. Minista

Ministauyuq Nunalingni Kavamatkunnilu Pivikhaqautikkutni:

- (a) Kiudjutikhiuyukhat Maligaliqivingmun aulatitiyaanganik uuminga maligakharnik;
- (b) Tautuktauyukhangit nuutaanguqtihimayunik tapkuninga CEMOUun, kituliqaak nuutaanguqtihimayunun CEMOUunik; imaalu
- (c) Atiqtuiluaqtiuyuq nuutaanguqtihimayukhat aulayagiikhimayunun CMAAnik, kitununliqaak nuutaanguqtihimayunun CMAAnun.

3. Ministat (ngit) ilaayunik havagviit (ngit)

Ministat (ngit) ilaayunik havagviit (ngit) tautuktauyukhat nuutaanguqtihimayut aulagiikhimayutlu CEMOUngit nuutaanguqtihimayutlu CEMOUngit.

4. Tuglia Minista

Tuglia Minista talvani Nunalingni Kavamatkunnilu Pivikhaqautikkut:

- (a) Munagiyakhait titiqidjutiliqidjutikhangit tamainik malikhautikhangit aulayut uvani maligakharni;
- (b) Imailiuqtukhaq, talvani CMA-mi, ihivriuqlutik tukhidjutikhangit tuniyauhimayut tukhiqtauhimayuni tuniyauhimayut nunalaani kuapulaisingit havakhimaaqlutiklu maligakharni Ministamun talvani Nunalingni Kavamatkunnilu Pivikhaqautikkutni;
- (c) Imailiugiaqaqtun, taimaitunik CEMOUunik, havaqatiginiqaqtait Tugliuyunik Atanguyat (ngit) ilaayunun havagviit (ngit) ihivriuqnitigun nunalaani kuapulaisingit katitivikharnik titiqidjutigiyaangat aulatitiyaangatlu havaaqharnik ikayuutikharnikluuniit;
- (d) Imailiugiaqaqtun taimaituqagiangat tapfuminga CEMOU-nik, havaqatigiiklugit Tugliuyut Atanguyat (ngit) ilaayutlu havagviit (ngit) nunalaani kuapulaisit, aulaquhimayut ukiuk tamaat ihivriudjutikharnik uqautigiyaangat hivunikhangit, ayungnautigivaktait, havaaqhangit ikayuutikhangitlu pivalladjutikhat allanguqtihimayut, piutigiyauluaqhimayutlu, manii atuuqtauyukhangit (ilaayut ayungnautigivaktaingit akitungniq, inuit amigaiqyumiginikkut, hunavaluitlu); imaalu
- (e) Imailiugiaqaqtun naunaiyainiq ukiuk tamaat munagihimaaqniqaqtait ihivriuqlugitlu havaaqhat tukhidjutikharnik CEMOUtitigun CMAtitigunlu.

5. Tugliuyut Atanguyat

Tugliuyut Atanguyat (havaktiuluaqtununluuniit) ilitugipkaiyukhat Tugliuyut Ministangit talvanga Nunalingni Kavamatkunnilu Pivikhaqautikkut (havaktiuluaqtununluuniit) ukuninga:

- (a) Tukhiqtauhimayut nuutaanguqtiqhimayut aulayagiikhimayut angirutingniitun atiqtuihimayut havagvinganin nunalaani kuapulaisingitnilu; unalu
- (b) aivadjutiliqatigilugit nunalaani kuapulaisingit.

ATUQTAKHAINGIT

1. Ilaugianganiik

- (a) Tamaita nunalaangit kuapulaisingit ilaugiaqaqtun tukhidjutikharnik uvaniitun maligakharni.
- (b) Tapkuat CEMOU-ngit CMA-ngitluuniit angirutiqaqtukhaungitun kihianinguqtinanik imaatun:
 - (i) titiqidjutiqaqtinani ikayuutikharnik nunalaani kuapulaisirnin talvani titiqidjutingni ilitugidjutikharni katimavakhimayaini, pigiaqtitihimayuni, ihuaqhaidjutikharni, allatluuniit ihuaqtunik inigiikhimayuni titirarni; imaalu
 - (ii) Nunalaani kuapulaisingit tautuktitihimavakhimayut havakhimaanginaqtangit pigiaqaqtangit havagiaqaqtangit hanaqidjutikhangit akunigaaluknirmi.

2. Ikayuutauniaqtun Inigiikhimayut naunairutiit

Nunalaani Kuapulaisingit havaktiuluaqtukharnik pinahuaqtukharnik titiqidjutikhanrik aulatituyukharniklu Nunavut Kavamanmi ikayuktiuniaqtun havaaqharnikluuniit tuyuqtakhaliqtun Tugliuyunun Ministamun Nunalingni Kavamatkunnilu Pivikhaqautikkut Tugliuyumunlu Atanguyangmun (ngit) ilauyunik havagviinun (ngit) titiraqhimayumik tukhidjutikharnik piqaqtukhaq iluani, naitkaluaqtiluni:

- (a) tautuminaqtunik nunalaani ikayuutikharnik havakhimaaqniaqtuniklu;
- (b) naunaitumik hivunikhangit qullirutikhangit akhuurutikhaqaqtukharnik ihumagiyayukhaq;

- (c) iitugidjutikharnik qanuq havaaq aulaniaqtun, havaktiit havagiaqaqtainik qanurlu nunalaat ilauniaqtun atautitun; imaalu
- (d) maniit akituyut ilauqaqluni naunaiyagiikhimayunik tamainik atuqtauyukharnik akiliktakhangit kinguliuyutlu akiliktakhangit (manikhaqhimaqaqtukhat, akikhangit akiliktuiyukhangit, afisiangit nayugaangit, hunavalungniklu) akikhangitlu aqutukharnik (imaatun itun: akituqyumirutikhangit, amigaiqyumirnikkut inungnik, hunavalungniklu).

3. Tukhiqtauhimayut

- (a) Tukhiqtauhimayut katitiqhimayut tikiutitauniaqtun uqaqhimaqaqtulunik tapkuninga uqaqhimaqaqtunik nunalaani kuapulaisingit, Nunalingni Kavamatkunnilu Pivikhaqaqtukkut ilautitiniqaqtaitlu havagviit (ngit).
- (b) Tukhiqtauhimayut akiliktauyukhauyut ihuaqtumik naunairutiqaqlutik atuqtauyukhangitlu talvani titiraqhimayuq CEMOU-mi uvaniluuniit CMA-mi.

4. Qanuq Akilikuiniiaqtun

Qanuriliugiaqaqlutik malikhautikhangit aulayuitun talvani CEMOUmi CMAmilu, malikhautitigunlu talvani FAM-mi atuqyauhimayut 801mi, nunalaangit kuapulaisingit tunihimaqaqtukhat hitamahuiqtuqhutik kiudjutikharnik hivunirmi, naunaiyagiikhimayut talvuuna iniqtiqhimaqaqhimayunik qillaminuaq munagihimaqaqhutiklu maniliqidjutikhangit. Taimailungitkumik, piqataqniaqtait tatqikhiutim tamaat hivunirmi.

MANILIQIDJUTIKHANGIT

Maniliqidjutikhangit atuqtauyukhat uvani maligakharni naunairutiqaqtukharnik angirutikharnik talvanga Maligaliuqyualiqivingmin pigiaqagumik maniktaqvikhangit naunaiyagiikhimayunik maniit atuqtauinganin.

PILARUTINGIT MINISTAIT

Piqangituq uvani maligarni kitungni piyaulimaitun talvanga pilaarutingit Ministanun ihumaliugiangat hanaqigiaqaqtunlu pittiaqnikkut talvuuna Nunalaani Akhaluutiliqinikkut Havaaqhangit aihiqpaniitun uvanganin maligakharni.

ANGIRUTAUTIGIYAKHA ILANGA

Una maligaq atuqtitauliqniaqtuq ubluangani atiqtauvingani Imaruqtirvia 30,
2020nguqan.

Hivulliqti